

**Nunatta kangiani aalisakkerivinnut tulaassisussaatitaanermik
piumasaqaateqalersitsisinnaaneq pillugu Naalakkersuisut misissueqqullugit
peqquneqarnissaannik inatsisartu aalajangiiffisassaattut siunnersuut. Nalunaarusiaq
inatsisartunut UKA2023 nallertinnagu agguanneqassaaq.**

Mala Høj Kukomit, Siumut, saqqummiunneqartoq

pillugu

**Aalisarnermut, Piniarnermut Nunalerinermullu Ataatsimiititaliap siunnersuutip
aappassaaneerpeqarneranut**

ISUMALIUTISSIISSUTAA

Ataatsimiititaliap suliamik suliarinninnermini ilaasortarai:

Inatsisartunut ilaasortaq Hans Aronsen, Inuit Ataqtigiit, siulittaasoq
Inatsisartunut ilaasortaq Jens-Frederik Nielsen, Demokraatit, siulittaasup tullia
Inatsisartunut ilaasortaq Agathe Fontain, Inuit Ataqtigiit
Inatsisartunut ilaasortaq Adam Kristensen, Inuit Ataqtigiit
Inatsisartunut ilaasortaq Jens Kristian Therkelsen, Siumut
Inatsisartunut ilaasortaq Lars Poulsen, Siumut
Inatsisartunut ilaasortaq Hans Enoksen, Naleraq

UKA2022-mi 5. oktober 2022 siullermeerinninnerup kingorna siunnersuut ataatsimiititaliamit misissorneqarpoq.

1. Siunnersuutip imarisaa siunertaalu

Nunatta kangiani aalisakkerivinnut tulaassisussaatitaanermik piumasaqaateqalersitsisinnaaneq pillugu Naalakkersuisut misissueqqullugit peqquneqarnissaat siunnersuuteqartup kissaatigaa. Nassuiaat UKA2023 nallertinnagu inatsisartunut agguanneqassaaq. Aalajangiiffissatut siunnersuutip siunertaraa Tunumi suliffissaqartitsinerulernissaq.

2. Siunnersuutip Inatsisartunit siullermeerneqarnera

Siunnersuutip inatsisartuni siullermeerneqarnerani Naalakkersuisut allannguutissatut imaattumik siunnersuuteqarput:

”Inatsisartunut aalajangiiffigisassaattut siunnersuummut suleqatigiissitaliap aallartereersimasup suliaassaannut ilanngunneqassasq Tunup sineriaani nunami tunisassiorfinnut tunisisussaatitaanerup atuutilersinneqarnissaanut periarfissamik ujartuinissamik Naalackersuisut peqqunneqarnissaannik.”

Siullermeerinninnermi allannguutissatut siunnersuut amerlanerussuteqartunit taparserneqarpoq.

3. Ataatsimiititaliap siunnersuummik suliarinninnera

Naalackersuisut allannguutissatut siunnersuutaat ataatsimiititaliamit matuma kinguliani isummerfigineqarpoq.

Tunisisussaatitaanermut periarfissap suleqatigiissitami aallartinneqareersumi, Tunumi aalisarnermut tunngasunik ineriartortitsinissamut iliuusissatut pilersaarummi suliaqarnissamik siunertaqartumut, ilanngunneqarnissaa allannguutissatut siunnersuuteqarnermi siunertarineqarpoq. Nunap atortulersugaaneranut, silap nunallu pissusaanut pissutsit Tunumi tunisissussaatitaanerup atuutilersinneqarnissaanut atatillugu Naalackersuisunit ilaatigut innersuussutigineqarput. Tassunga atatillugu Tunumi tunisiffiusinnaasumik ataasiinnarmik umiarsualiveqarnera aammalu Tunumi sikoqartarneranut pissutsit aalajangiiffigisassatut siunnersuutip piviusunngortinnissaanut ajornakusoortitsinerat Naalackersuisunit tikkuarneqarput.

Tunumi tunisassiorfinnut tunisissussaatitaanerup misissuiffigineqarnissaa piffissalernerqarsimangitsoq ataatsimiititaliap maluginiarpa.

4. Siunnersuutip aningaasaqarnikkut kingunerisassai

Inatsisartut suleriaasianni § 33, imm. 1-imi allassimavoq aalajangiiffissatut siunnersuutip piviusunngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassasut.

Tamanna naapertorlugu siunnersuutip piviusunngortinneqarnerani aningaasatigut kingunerisassat aalajangiiffigisassatut siunnersuutini nalunaarneqarsimasut ataatsimiititaliamit maluginiarneqarput.

Siunnersuutip piviusunngortinneqarnera namminersorlutik inuussutissarsiortunut innuttaasunulluunniit aningaasaqarnikkut allaffissornikkullu kinguneqassanngitsoq nalilerneqarpoq.

Naalackersuisut allannguutissatut siunnersuutaanni aningaasatigut kingunerisassat taaneqanngillat.

Allannguutissatut siunnersuut suleqatigiissitamut aallartinneqareersumut aningaasatigut atugassiissutaasut iluini suliarineqarsinnaassasoq ilimagineqarpoq.


5. Ataatsimiititaliap inassuteqaatai

Naalakkersuisut allannguutissatut siunnersuutaat ataatsimiititaliap isumaqatigiittup akuerisassanngortippaat.


Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaaniigassanngortippaa.




Hans Aronsen
Siulittaasoq




Jens-Frederik Nielsen
Siulittaasup tullia



Agathe Fontain



Adam Kristensen



Jens Kristian Therkelsen



Lars Poulsen



Hans Enoksen